

四庫全書

子部

欽定四庫全書

子部

薛氏醫案卷十

詳校官太醫院醫士臣趙正池

編修臣倉聖脈覆勘

總校官原任中允臣王燕緒

校對官中書臣李斯咏

謄錄監生臣王鍾岱

欽定四庫全書

薛氏醫案卷十

口齒類要

繭唇一

內經云脾氣開於口又云脾之榮在唇蓋燥則乾熱則裂風則潤寒則揭若唇腫起白皮皴裂如蠶繭名曰繭唇有唇腫重出如繭者有本細末大如繭如瘤者或因

明薛己撰

七情動火傷血或因心火傳授脾經或因厚味積熱傷脾大要審本症察兼症補脾氣生脾血則燥自潤火自除風自息腫自消若患者忽畧治者不察妄用清熱消毒之藥或用藥線結去反為翻花敗症矣

治驗

州守劉克新患齒唇時出血水內熱口乾吐痰體瘦腎虛之症悉具用濟陰地黃九年許而愈

一儒者因勞役感暑唇生瘡或用四物加黃柏知母之

類而愈後復作彼仍用前藥益甚腹中陰冷余用補中益氣湯加茯苓半夏治之而愈

儒者楊國華因怒唇口兩耳腫痛寒熱余謂怒生熱熱生風用柴胡山梔散數劑而愈

一男子素善怒唇腫脹服清胃等藥時出血水形體骨立余用補中益氣加半夏茯苓桔梗月餘唇腫漸消元氣漸復又以四物加柴胡炒梔丹皮升麻甘草數劑乃去梔加參朮而痊

一婦人懷抱久鬱或時胃口嘈辣胸膈不利月水不調而衰少日晡發熱食少體倦唇腫年餘矣余用歸脾湯加薑汁炒黃連山梔少佐吳茱萸嘈辣頓去飲食少進乃去黃連加貝母遠志胸膈通利飲食如常又用加味逍遙散歸脾湯間服百餘劑月水調而唇方愈

一婦人懷抱久鬱患繭唇雜用消食降火虛症悉具盜汗如雨此氣血虛而有熱也用當歸六黃湯內黃芩連栢俱炒黑二劑而盜汗頓止乃用歸脾湯八珍散兼服

元氣漸復更以逍遙散歸脾湯間服百餘劑而唇亦瘥  
一婦人唇裂內熱二年矣每作服寒涼之劑時出血水  
益增他症余用加味清胃散而愈後因怒唇口腫脹寒  
熱而嘔用小柴胡加山梔茯苓桔梗諸症頓愈復用加  
味逍遙散而康

一婦人善怒下唇微腫內熱體倦用化痰藥食少作嘔  
大便秘實唇出血水用理氣消導胸膈痞滿頭目不清  
唇腫經閉用清胃行血肢體愈倦發熱煩躁涎水湧出

余曰此七情損傷肝脾誤行尅伐所致遂用濟生歸脾湯食進便實用加味逍遙散腫消熱退用補中益氣湯脾健涎止後因怒寒熱耳痛胸膈脹悶唇燥腫甚此怒動肝火而傷陰血用四物合小柴胡加山梔頓愈又因怒脇乳作脹肚腹作痛嘔吐酸涎飲食不入小水不利此怒動肝木而尅脾土用補中益氣加川芎芍藥而愈又勞後怒氣飲食失節發熱喘渴體倦不食下血如崩唇腫熾甚此肝經有火不能藏血脾經氣虛不能攝血



用補中益氣加炒黑山梔芍藥丹皮而愈

一男子內熱作渴啖唾痰涎大便乾澀自喜壯實問治於余余曰此脾腎陰虛陽旺之症當壯水之主不信自服二陳苓連之類次年下唇漸腫小便赤瀦執守前藥唇出血水大便黑塊小便淋瀝請余往治余曰大便結黑小便淋瀝肝腎敗也唇口腫白脾氣敗也辭不赴竟歿

一婦人月經不調兩足發熱年餘後而身亦熱勞則足

腿酸疼又年餘唇腫痛裂又半年唇裂血出形體瘦倦  
飲食無味月水不通唇下腫如黑棗余曰此肝脾血虛  
火症彼不信用通經等藥而死

一婦人善怒唇腫或用消毒之藥唇脹出血年餘矣余  
曰須養脾胃滋化源方可愈彼執用前藥狀如翻花瘤  
而死

口瘡二

口瘡上焦實熱中焦虛寒下焦陰火各經傳變所致當

分別而治之如發熱作渴飲冷實熱也輕則用補中益氣湯重則六君子湯飲食少思大便不實中氣虛也用人參理中湯手足逆冷肚腹作痛中氣虛寒也用附子理中湯晡熱內熱不時而熱血虛也用八物加丹皮五味麥門發熱作渴唾痰小便頻數腎水虧也用加減八味丸食少便滑面黃肢冷火衰土虛也用八味丸日晡發熱或從腹起陰虛也用四物參朮五味麥門不應用加減八味丸若熱來復去晝見夜伏夜見晝伏不時而

動或無定處或從脚起乃無根之火也亦用前丸及十全大補加麥門五味更以附子末唾津調搽湧泉穴若槩用寒涼損傷生氣為害匪輕

治驗

秋官趙君言口舌生瘡勞則體倦發熱惡寒此內傷氣血之症用補中益氣加五味麥門而愈

進士劉華甫口舌生瘡午前熱甚脉數而有力用清心蓮子飲稍愈更以四物二連湯全愈後因勞役日晡發

熱脉數而無力用四物加參朮柴胡少瘥但體倦口乾  
再用補中益氣湯而愈

武庫劉君口舌生瘡口乾飲湯乃胃氣虛而不能化生  
津液也用七味白朮散而痊

廷評曲汝為口內如無皮狀或咽喉作痛喜熱飲食此  
中氣真寒而外虛熱也用加減八味丸而愈

儒者費懷德發熱口舌狀如無皮用寒涼降火藥面赤  
發熱作嘔少食痰涎自出此脾胃復傷虛寒而作也用

附子理中湯以溫補脾胃用八味丸補命門火乃愈

一男子口糜爛脉數無力此血虛而有火用四物加茯苓白朮少用黃柏知母治之而愈

地官李孟卿子新婚口舌糜爛日晡益甚用八珍湯加五味麥門而口瘡愈更用加減八味丸而元氣實

一男子唇舌生瘡口苦作嘔小便淋瀝此肝脾火動以小柴胡加山梔酸棗仁遠志麥門諸症漸愈但晡熱體倦用四物柴胡山梔而愈又加白朮茯苓炙草而安

一儒者口苦而辣此肺肝火症先以小柴胡加山梔膽草茯苓桑皮而漸愈更以六君加山梔芍藥而全瘥若口苦脇脹小便淋瀝此亦肝經之病用六味九以滋化源

一男子口臭牙齦赤爛腿膝痿軟或用黃柏等藥益甚時或口鹹此腎經虛熱余用六味九悉瘥

一婦人口苦脇脹用小柴胡山梔黃連少愈更以四君子加芍藥當歸柴胡而瘥

一婦人每怒口苦發熱晡甚以小柴胡合四物二劑更以四物加柴胡白朮茯苓丹皮而愈

一婦人每怒則口苦無辣頭痛脇脹乳內刺痛此肝肺之火用小柴胡加山梔青皮芎歸桑皮而安後勞無怒口復苦經水頓至用四物加炒苓炒梔炒膽草一劑更以加味逍遙散而康

齒痛三

齒者腎之標口者脾之竅諸經多有會於口者齒牙是



也徐用誠先生云齒惡寒熱等症本手足陽明經其動搖脫落本足少陰經其蟲疳齩腫出血痛穢皆濕熱胃火或諸經錯雜之邪與外因為患治法濕熱甚而痛者承氣湯下之輕者清胃散調之大腸熱而齩腫痛者清胃散治之重則調胃丸清之六鬱而痛者越鞠丸解之中氣虛而痛者補中益氣湯補之思慮傷脾而痛者歸脾湯調之腎經虛熱而痛者六味丸補之腎經虛寒而痛者還少丹補之重則八味丸主之其屬風熱者獨活

湯大寒犯腦者白芷散風寒入腦者羌活附子湯病症  
多端當臨症制宜

治驗

宗伯毛三江胃經虛熱齒牙作痛用補中益氣加熟地  
丹皮茯苓芍藥尋愈

廷尉張中梁齒動或用清胃散肢體倦怠飲食少思牙  
齒作痛余曰此脾腎虧損用安腎丸補中益氣湯兼服  
外用羌活散而愈或牙根潰爛如喜寒惡熱者乃胃血

傷也用清胃散若惡寒喜熱者胃氣傷也用補中益氣湯

楊考功齒痛作渴屬脾胃虛弱陰火熾盛用補中益氣加酒炒黑黃柏四劑又服加減八味丸諸症頓愈又用補中益氣湯而全愈

王侍御齒搖齦露喜冷飲食此胃經濕熱先用承氣湯以退火又用清胃散以調理而齒固繼用六味丸以補腎水羌活散以祛外邪而尋愈

王吏部患齒痛或用祛風等劑更加寒熱體倦懶食欲嘔彼以火盛余曰病因元氣不足前藥復傷遂用補中益氣加茯苓半夏元氣復而諸症愈

郭職方善飲齒痛腮頰焮腫此胃經濕熱用清胃散加乾葛荆防而愈

鄭吏部仲冬牙痛連腦此腎經風寒所犯用羌活附子湯一服即愈此症不問冬夏腎虛者多患之急用此藥可瘳緩則不救

朱工部午後有熱遇勞遺精其齒即痛此脾腎虛熱先用補中益氣送六味九更以十全大補湯而愈

黨吏部齒根腫痛焮連顙頰此胃經風熱用犀角升麻湯即愈

表兄顏僉憲牙痛右寸後半指脉洪而有力余曰此大腸積熱當用寒涼之劑自泥年高服補陰之藥呻吟徹夜余與同舟赴京煎涼膈散加荆防石膏與服一鍾即愈

大尹余時正素善飲齒常浮痛腹痛作瀉此酒積傷脾  
食後用清胃散食前用解醒湯而愈

膳部鍾復齋每勞心則齒縫脹而不能咀嚼此元氣虛  
弱先用補中益氣湯而痊更用十全大補湯雖勞不作  
儒者柴濟美善飲牙蛀不生或時作痛用桃仁承氣湯  
二劑又以清胃散加山梔葛根外搽升麻散其牙復出  
一男子晡熱內熱牙痛齲潰常取小蟲此足三陰虛火  
足陽明經濕熱先用桃仁承氣湯二劑又用六味地黃

丸而愈

一男子患齒痛飲食難化大便不實此脾腎不足用還少丹而愈

一男子每足發熱牙即浮痛此足三陰虛火用加減八味丸而不復作

一男子齒浮作痛耳面鰲色口乾作渴日晡則劇此脾虛弱也用補中益氣湯加減八味丸而愈

一婦人因怒齒痛寒熱作嘔用清胃等藥益甚此肝

火傷胃寒藥復傷用六君子加芍藥柴胡山梔而愈

一婦人胃中嘈辣甚則熱痛後患齒痛此胃火生痰也  
用二陳加苓連下越鞠丸而瘳

一婦人發熱齒痛日晡益甚月水不調此脾經血虛所  
致用逍遙散加升麻尋愈後因怒復痛仍以前藥加川  
芎而痊

一婦人因怒牙痛寒熱用小柴胡加芎歸苓朮山梔而  
疼痛止用加味逍遙散而寒熱退



荆婦每產後齒根皆動必踰日乃止後復懷妊臨月時  
立齋翁偶至言及此症留十全大補湯二劑令產後煎  
服齒不復動矣果如言愚竒其神異敢綴數言附之卷  
末後有作者皆得觀法焉則先生之德垂之永久矣後  
學吳江史羊生頓首謹書

貌云叔父芝巖先生齒根浮腫痛不可忍命貌求治於  
立翁先生翁曰齒痛齲浮而不動屬於坤土乃足陽明  
脉所貫絡也因胃有濕熱故爾用清胃散加山梔玄參

進一服應手而瘥貌謹記其梗槩以附醫錄將俾後之  
學醫者有所準則云嘉靖丁未仲秋晚春生郁貌頓首  
拜書

舌症四

經言舌乃心之苗此以竅言也以部分言之五臟皆有  
所屬以症言之五臟皆有所主如口舌腫痛或狀如無  
皮或發熱作渴為中氣虛熱若眼如烟觸體倦少食或  
午後益甚為陰血虛熱若咽痛舌瘡口乾足熱日晡益

甚為腎經虛火若四肢逆冷惡寒飲食或痰甚眼赤為  
命門火衰若發熱作渴飲冷便閉為腸胃實火若發熱  
惡寒口乾喜湯食少體倦為脾經虛熱若舌本作強顫  
頰腫痛為脾經濕熱若痰盛作渴口舌腫痛為上焦有  
熱若思慮過度口舌生瘡咽喉不利為脾經血傷火動  
若恚怒過度寒熱口苦而舌腫痛為肝經血傷火動病  
因多端當臨時制宜凡舌腫脹甚宜先刺舌尖或舌上  
或邊傍出血泄毒以救其急惟舌下瀝泉穴此屬腎經

雖宜出血亦當禁針慎之

治驗

工部徐檢齋口舌生瘡喜冷飲食或咽喉作痛大便秘結此實熱也用清涼飲治之而愈

仲侍御多思慮舌作痛用苦寒降火藥發熱便血盜汗口乾肢體日瘦此脾氣虧損血虛之熱用加味歸脾湯而愈

一男子不慎酒色冬喜飲冷舌常作痛小便頻數舌裂

痰盛此腎水枯涸陰火無制名下消用加減八味丸而愈若寸脉洪數有力多飲少食大便如常口舌生瘡大渴引飲者名上消是心移熱於肺用白虎湯加人參治之若關脉洪數有力喜飲冷小便黃大便硬而自汗者名中消調胃承氣湯下之

學士吳北川過飲舌本強痛言語不清痰氣湧盛肢體不遂余作脾經濕痰治之而愈

秋官鄭

缺

過飲舌本強痛言語不清此脾虛濕熱用

補中益氣加神麴麥芽乾葛澤瀉而愈

一膏梁之人患舌痛敷服皆消毒之藥舌腫勢急余刺  
舌尖及兩傍出紫血杯許腫消一二更服犀角地黃湯  
一劑翌早復腫脹仍刺出紫血杯許亦消一二仍服前  
湯良久舌大腫又刺出黑血二杯許腫漸消忽寒熱作  
嘔頭痛作暈脉洪浮而數此邪雖去而真氣愈傷與補  
中益氣倍用參芪歸朮四劑而安又數劑而愈

一婦人善怒舌痛煩熱用降火化痰等藥前症益甚兩

脇作脹服流氣飲肚腹亦脹經行不止此肝虛不能藏  
血脾虛不能統血用加味歸脾加麥門五味而愈若因  
暴怒而患前症用小柴胡加丹皮山梔血虛者用八珍  
加參朮柴胡山梔丹皮虛甚須加炮薑

一男子舌下牽強手大指次指不仁或大便秘結或皮  
膚赤暈此大腸血虛風熱用逍遙散加梔角秦艽而愈  
一婦人冬患腦疽腫痛熱渴脉洪數實余用清熱消毒  
散潰之而愈次年三月其舌腫大徧身患紫疔如葡萄

不計其數手足尤多各刺出黑血服奪命丹七粒出臭汗瘡熱益甚便秘二日與大黃苓連各三錢升麻白芷山梔薄荷連翹各二錢生草一錢水煎三五沸服大小便出臭血甚多下體稍退乃磨入犀角汁再服舌本及齒縫出臭血諸毒乃消更與犀角地黃湯而愈

一婦人善怒舌本強手臂麻木余曰舌本屬脾土肝木剋之故耳治以六君子加柴胡芍藥而愈

先兄口舌糜爛痰涎上壅飲食如常遇大風欲仆地用



補中益氣湯及八味丸即愈間藥數日仍作每勞苦則痰盛目赤漱以冷水舌稍愈頓間舌益甚用附子片噙之即愈服前二藥諸症方痊

### 喉痺諸症五

喉痺謂喉中呼吸不通語言不出而天氣閉塞也咽痛嗌痛者謂咽喉不能納唾與食而地氣閉塞也喉痺咽嗌痛者謂咽喉俱病天地之氣皆閉塞也當辨内外表裏虛實而治之若鄉村所患相同者屬天行運氣之邪

治法當先表散大忌酸藥搽點寒藥下之恐鬱其邪於內而不得出也其病有二

其一屬火經云少陽所致為喉痺又云少陽司天之致三之氣炎暑至民病喉痺用仲景桔梗湯或面赤斑者屬陽毒用陽毒諸方汗之可也

其二屬陰濕經云太陰之勝火氣內鬱成喉痺又云太陰在泉濕淫所勝病噎腫喉痺用活人半夏桂枝甘草湯或面青黑者屬陰毒法可汗之

蕭山先生云喉痺不惡寒及寸脉大滑實於關尺者皆屬下症宜硝石青黛等寒藥降之或膽礬等酸劑收之韓祇和先生云寸脉大於關尺者宜消陽助陰東垣先生云兩寸脉實為陽盛陰虛下之則愈故予遵此法以治前症如鼓應桴也

陳無擇治喉痺不語用小續命加杏仁七箇煎服甚效本草治中氣急喉痺欲死白殭蠶為末薑汁調下立愈丹溪云殭蠶屬火而有土與水得金氣而成治喉痺者

取其火中清化之氣以從治相火散濁逆結滯之痰

陳藏器每治臟寒咽閉吞吐不利用附子去皮臍炮裂以蜜塗炙蜜入內含之勿嚥云

孫押班治都知潘元從喉閉孫以藥半錢吹入喉中少頃吐出膿血立愈潘詣孫謝曰大急之患非明公不能救救人之急非藥不能療贈金百兩願求方以濟非常之急孫曰用猪牙皂角白礬黃連各等分置新瓦上焙乾為末既授其方不受所贈謙甫云戊辰春鄉村病喉

痺者甚衆蓋前年終之氣及當年初之氣二火之邪也用甘桔湯加苓連半夏殭蠶鼠粘子葛根等劑發之虛加參芪當歸之類水漿不入先用解毒雄黃丸醋化灌之痰出更灌薑汁服前藥無不神驗若用膽礬酸寒點過者皆不治蓋邪鬱不出故也以上治法內經秘旨救生之良法故錄之見醫學綱目

### 治驗

廷評張汝翰患喉痛日脯益甚此氣血虛而有熱用八

珍湯而愈後每入房發熱頭痛用補中益氣加麥門五味及六味丸常服後不復作

秋官葉常蕃素陰虛因怒忽喉腫寒熱頭痛項強目直小便自出此皆肝火之症肝主筋膜火主腫脹火旺則血涸筋攣目係緊急頸項如拔陰挺痿痺則小便自遺遂刺患處出毒血用四物柴胡山梔玄參甘草而甦再用六味丸料以生肝血滋腎水諸症悉愈

太守葉

缺

咽喉腫痛痰涎不利手足發熱喜冷飲食

用清咽利膈湯二劑不應刺少商穴喉少寬痰從鼻出如膠患處出紫血稍寬至七日咳出穢膿而愈

一儒者三場畢忽咽喉腫閉不省人事喘促痰湧汗出如水肢體痿軟脉浮大而數此飲食勞役無根虛火上炎用補中益氣加肉桂一劑頓甦

義士顧克明咽喉作痛至夜發熱此肝腎陰虛之熱用四物加酒炒黑黃柏知母麥門五味治之而愈後因勞咽喉腫閉刺患處出血用桔梗湯吐痰而消至仲夏乾

咳聲嘶作渴發熱日晡足熱用滋腎丸加減八味丸間服三月餘喜其年富謹疾得愈

喉痛六

附乳蛾懸癰楊梅瘡

丹溪先生云咽痛屬血虛用四物加竹瀝陰虛火上炎者必用玄參氣虛加人參竹瀝又云咽喉腫痛有陰虛陽氣飛越痰結在上者脉必浮大重取必澁去死為近宜人參一味濃煎細細飲之如作實症治之禍在反掌此發前人未發救無窮之天枉余更以上焦風熱積熱



及膀胱陰虛等症一二於後

治驗

通府李朝用咽喉腫痛口舌生瘡此上焦風熱先用荊防敗毒散二劑喉痛漸愈又以玄參升麻湯口舌遂愈地官黃比盤喉痛作渴飲冷大便不通此上下表裏實熱用防風通聖散治之頓愈

地官胡誠甫咽喉燥痛此腎經膀胱虛熱用四物加黃柏知母玄參四劑少愈更以人參固本丸一劑不復發

職方盧抑齋咽喉腫痛兩目矇昧小便赤澀此膀胱濕熱用四苓散加黃栢黃連知母茵陳防已治之而頓愈又用六味地黃丸而痊

儒者王文遠咽喉腫痛口舌生瘡勞則愈甚余為脾肺氣虛膀胱有熱以補中益氣加玄參酒炒黑黃栢知母稍愈乃去黃栢知母加山茱山藥乃瘥

一儒者年踰五十咽喉痛服涼藥或過勞痛愈甚此中氣虛熱以補中益氣加炒黑苓連四劑而愈乃去苓連

又數劑全愈

一儒者脚發熱則咽喉作痛內熱口乾痰涎上湧此腎經虧損火不歸經用補中益氣加麥門五味及加減八味丸而全愈

一老人咽喉痛小便數而赤日晡尤甚此膀胱陰虛當滋化源以補中益氣加酒炒黑黃柏知母二味四劑咽痛稍可乃去二味加以山茱山藥麥門五味頓愈

一男子咽喉腫痛藥不能下針患處出紫血少愈以破

棺丹噲化更用清咽利膈散而愈

一男子素善飲咽喉作痛內熱作渴小便不利飲食如常此膀胱積熱用四苓散加茵陳大黃四劑諸症漸退又用清心蓮子飲而安

一星士勞而入房喉痛漸閉痰涎上湧四肢乍熱此陰虛陽氣飛揚用補中益氣加附子煎灌而愈

憲副姜時川癸卯冬就診于余右寸浮數有力口中有瘡余曰此胃火傳於肺也當薄滋味慎起居甲辰秋復

就診尺脉洪數而無力余曰此肺金不能生腎水宜靜  
養以滋化源彼云今喉間及耳內不時燥痛肢體不時  
發熱若無根之火殞無疑矣後謂劉古峽云立齋謂我  
之病可疑至乙巳孟春古峽謂余曰姜公之病已如尊  
料遂同余往視喉果腫潰脉愈洪大或用瀉火之藥反  
速其殄

雲間吳上舍年踰五十咽喉腫痛或針去血神思雖清  
尺脉洪數而無倫次按之微細如無余曰有形而無痛

陽之類也當峻補其陰今反傷陰血必死已而果歿蓋此症乃腎氣虧損無根之火炎上為患惟加減八味丸料煎服使火歸源庶幾可救

府庠歸雲橋之內產後患喉痛服清熱等劑益甚余診之屬膀胱經血虛也蓋膀胱之內脉上行至頸而還用八珍湯加牡丹皮柴胡酒炒黑黃柏二劑而愈

嘉靖辛丑仲秋大方憑几執筆就書咽喉間偶有痰涎遂左顧吐之口未及合而頸骨如摧莫能轉視至夜增

劇夜發盜汗手足麻冷卧起必藉人扶持稍動則痛連  
心腹苦楚萬狀不可勝數如是者三四日得立齋先生  
視之曰此怒動肝火膽得火而筋攣縮以六味地黃丸  
料山梔子柴胡以清肝火生膽血一劑未竟日而談笑  
舉動一一如常矣接見賓從俱以為前日之病者罔  
也先生之神妙類多若此惜乎不肖踈怠褻拙不能盡  
述姑以其親試者筆之以為明驗耳吳門晚學生沈大  
方履文再頓首謹書

一婦人喉間作痛兩月後而潰徧身筋骨作痛余以為楊梅瘡毒先以萆薢湯數劑而平更以四物加萆薢黃芪二十餘劑諸症悉退

一彌月小兒口內患之後延徧身年餘不愈以萆薢為末乳汁調服母以白湯調服月餘而愈餘見保嬰粹要一男子先患喉痛後發楊梅瘡用輕粉等劑愈而復發仍服前藥後又大發上腭潰爛與鼻相通臂腕數顆其狀如桃大潰年餘不斂虛症悉見余以萆薢湯為主兼



以健脾之劑月餘而安餘見外科樞要

諸骨稻穀髮鯁七

治諸骨鯁用葶麻根杵爛九彈子大將所鯁物煎湯化下

一方魚骨鯁用細茶五倍子等分為末吹入咽喉立愈  
一方以犬帛一足取其涎徐徐嚥之即消

又方白萼花根搗爛取汁徐徐嚥之不可着牙

治稻芒糠穀鯁喉將鵝帛一足取涎徐徐嚥下即消

治吞釘鐵金銀銅錢等物但多食肥羊脂諸般肥肉等味隨大便而下

一方吞錢燒炭末白湯調服數匙即出 或服蜜升許或食茨菇其錢自化

治吞髮繞喉不出取自亂髮作灰白湯調服一錢

治吞鐵或針用錫糖半斤濃煎艾汁調和服之

一方磁石磨如棗核大鑽眼以線穿令吞喉間針自引出或吞銀錢金銅鐵磁石須陰陽家用驗者

治諸鯁呪法八

子和云大凡魚骨麥芒一切竹木刺鯁于喉間及髮絆不能下用道藏經中一呪法取東方無根水一碗先以左手結三台印將水置印上後將右手持一劍訣于水上虛書一龍字密呪九遍

呪曰吾從東方來路傍一池水水裏一條龍九頭十八尾問君治何物專用此間水連誦九遍患者飲之即愈  
誤吞水蛭丸

治誤吞水蛭食蜜即愈試以活蛭投蜜中即化為水屢  
驗一書云井中生蛭以白馬骨投之即無試之亦驗夫  
蛭即螞蝗也雖死為末見水復活人吞之為害不小治  
以前法無不愈者

諸蟲入耳十

治百蟲入耳用藍汁灌之或葱汁尤良或緒肉少許炙  
香置耳孔邊亦出或用細蘆管入耳內口吸之蟲隨出  
蛭蚰入耳以鹽少許搽耳內即化為水

蜈蚣入耳以雞肉置耳邊自出凡蟲毒入腹作脹飲好  
酪二升許化為水而毒亦消矣

蛇入七竅及蟲咬傷十一

凡蟲入七竅劈開蛇尾納川椒數粒以紙封之其蛇自  
出更間人參湯飲之或因酒食蒜以解內毒如被蛇咬  
食蒜飲酒更用蒜杵爛塗患處加艾於蒜上灸之其毒  
自解凡蟲毒傷並效

男女體氣十二

治腋氣五更時用精猪肉二大片以甘遂末一兩拌之  
挾腋下至天明以生甘草一兩煎湯飲之良久瀉出穢  
物須在荒野之處則可恐穢氣傳人故也依法三五次  
即愈虛弱者間日為之其他蜜陀僧胡粉之類皆塞竅  
以治其末耳

附方并註

清胃散 治胃火血燥唇裂或為繭唇或牙齦潰爛作  
痛

黃連

炒

生地黃

升麻

各一錢

牡丹皮

八分

當歸

二錢

分

右水煎服

加味清胃散

即前散加芍芍柴胡治脾胃肝膽經熱

柴胡清肝散

治肝經怒火風熱傳脾唇腫裂或患齒

唇

柴胡

黃芩

炒各一錢

黃連

炒

山梔

炒各七分

當歸

一錢

川芎

六分

生地黃

一錢

升麻

八分

牡丹皮

一錢

甘草

右水煎服若脾胃弱去芩連加白朮茯苓

濟陰地黄丸 治陰虛火燥唇裂如繭

五味子 麥門冬 當歸 熟地黄

白製  
杵膏

肉蓯蓉

山茱萸

去核

乾山藥

枸杞子

甘州

菊花

巴戟肉

等

右為末煉蜜丸桐子大每服七八十九空心食前白

湯送下

歸脾湯

一名濟生  
歸脾湯

治思慮傷脾血耗唇皸及氣鬱生瘡

咽喉不利發熱便血盜汗晡熱等症



人參 白朮 茯苓 黃芪炒 當歸 龍眼肉

遠志

酸棗仁

炒各一錢

木香

甘草

各三錢

右水煎服

加味歸脾湯 即前方加柴胡丹皮山梔治思慮動脾

火元氣損傷體倦發熱飲食不思關血牙疼等症

補中益氣湯 治中氣傷損唇口生瘡或齒牙作痛惡

寒發熱肢體倦怠食少自汗或頭痛身熱煩燥作渴

氣喘脉大而虛或微細軟弱

人參

黃芪

炒

甘草

各錢五分

白朮

當歸

橘紅

各一

錢柴胡

升麻

各五分

右姜棗水煎服

羌活散

治風熱傳脾唇口潤皺或頭痛目眩或四肢

浮腫如風狀

羌活

茯苓

薏苡仁

各等分

右每服三五錢水煎入竹瀝一匙服

人參理中湯

治口舌生瘡飲食少思大便不實或畏

寒惡熱作嘔腹痛此中氣不足虛火上炎

人參 白朮

乾薑

炮

甘草

炙各等分

右每服五七錢或一兩水煎服

附子理中湯 治症同上但四肢逆冷或嘔吐泄瀉

附子

人參

各二錢

茯苓

白芍藥

各三錢

白朮

四錢

右水煎服

香砂六君子湯 治口舌生瘡服涼藥過多以致食少

作嘔或中氣虛熱所致

人參 白朮 茯苓 半夏 陳皮錢各一 甘草炒六

分藿香 宿砂仁炒各八分

右薑水煎

人參安胃散 治胃經虛熱口舌生瘡喜熱飲食

甘草炙 陳皮各五分 人參 白茯苓錢各一 黃芩錢二 黃

連三芍藥七分

右水煎服

七味白朮散 治虛熱口舌生瘡不喜飲冷吐瀉口乾

人參 白朮

木香

白茯苓

甘草

炙 藿香 各五

分 乾葛 一錢

右水煎服

四君子湯 治口舌生瘡脾胃虛弱飲食少思肚腹不

利

人參 白朮

茯苓

各一錢

甘草

炙五分

右薑棗水煎服

六君子湯 治胃氣虛熱口舌生瘡或寒涼剋伐食少

吐瀉

人參 白朮 茯苓 各一錢半  
陳皮 半夏 甘草 各一錢

右薑棗水煎服

二陳湯 治脾胃虛弱口舌生瘡或中脘停痰嘔吐惡  
心飲食少思等症

陳皮 茯苓 半夏 各一錢半  
甘草 五分

右薑棗水煎服

葛花解酲湯 治酒積口舌生瘡或嘔吐泄瀉

白豆蔻

縮砂仁

葛花

各五分

木香

二分

青皮

二分 陳

皮 茯苓

猪苓

人參

白朮

神麴

炒

澤瀉

乾薑

各三分

右水煎服得微汗酒病去矣

龍胆瀉肝湯 治口苦或生瘡

柴胡

錢一

黃芩

七分

甘草

人參

天門冬

去心

黃連

炒

山梔

炒

龍膽草

酒拌

麥門冬

炒焦

知母

各五分

五味子

二分

右水煎服

小柴胡湯 治肝膽經風熱侮脾土唇口腫痛或寒熱往來或日晡發熱或潮熱身熱或怒而發熱脇痛甚者轉側不便兩脇痞滿或瀉利咳嗽或吐酸苦水

柴胡錢一黃連錢半半夏錢一人參錢各一甘草錢五分

右薑棗水煎服怒動肝火牙齒痛寒熱加山梔黃連梔子清肝散 治三焦及足少陽經風熱口舌生瘡或



耳內作痒出水疼痛或胸間作痛或寒熱往來

柴胡 山梔 丹皮 錢各一 茯苓 川芎 芍藥

牛蒡子 炒 當歸 各七分 甘草 五分

右水煎服

人參敗毒散

加防風 荆芥 名 治一切表症 瘡瘍 癰痛 發

寒熱或拘急 頭痛 脉細 有力者

人參 羌活 獨活 柴胡 前胡 茯苓 川

芎 桔梗 枳殼 甘草 各一錢

芍藥 山梔 丹皮 茯苓 川芎 芍藥

右水煎服

奪命丹 治喉閉或疔瘡發大毒或麻木或嘔吐重者  
昏憤若疔毒牙關緊急用三五丸為末水調灌下有  
奪命之功

蟾酥

乾者酒化

輕粉

各五分

枯白礬

寒水石

煨

銅綠

乳香

沒藥

麝香

各一錢

硃砂

三錢

蝸牛

二十箇另研無亦效

右為細末用蝸牛或酒糊為丸如菉豆大每服一二

丸溫酒或葱湯下

東垣白芷湯 治大寒犯腦牙齒疼痛

麻黃 草豆蔻錢各一 黃芪 升麻錢各二 吳茱萸

白芷各四分 當歸 熟地黃各五分 藁本三分 桂枝二分

羌活八分

右另為末和勻搽之

東垣牢齒散 治牙齦露肉牙疳腫痛或牙齒動搖欲落或牙齒不長牙黃口臭

升麻四兩 羌活 地骨皮各一兩 膽草一兩半 酒浸

右為末以溫水漱口每用少許擦之

獨活散 治風毒牙痛或齒齲腫痛

獨活 羌活 川芎 防風

錢各五

細辛

荊芥

薄荷 生地黃

錢各二

右每服三五錢水煎漱嚥

譙甫加減瀉白散 治膏粱醇酒勞心過度肺氣有傷

以致氣出腥臭涕唾稠粘咽嗑不利口苦乾燥

桑白皮

錢二

地骨皮

片黃芩

甘草

錢各一

知母

七分

五味子

十麥門冬

分五桔梗

錢一

右薑棗水煎服

犀角升麻湯

治陽明經風熱牙疼或唇頰腫痛

犀角

鎊升麻

防風

羌活

錢各一

白附子

分五川芎

白芷

黃芩

分各七

甘草

分三

右水煎熟入犀末服

玄參升麻湯

治心脾壅熱口舌生瘡或木舌重舌或

兩頰腫痛

玄參 赤芍藥 升麻 犀角鎊 桔梗 貫仲

黃芩

炒各一錢 甘草五

右水煎服

二黃丸 治實熱口舌生瘡作渴喜冷或齒齦腫痛等症

黃芩 黃連 黃柏各等分

右為末水糊丸桐子大每服七八十丸白湯下

安腎丸 治腎虛牙痛腰疼

補骨脂炒 葫蘆芭炒 茴香炒 川練子肉炒 續斷炒

三桃仁 杏仁炒 山藥 茯苓各二兩

右為末蜜丸桐子大每服五十九空心鹽湯下

八味丸 治腎氣虛寒牙齒作痛面色黧黑精神憔悴  
脚膝無力飲食少思或痰氣上升小便頻數齒不堅  
固或口舌糜爛畏飲冷水即後方每料加肉桂附子  
各一兩

六味丸加五味肉桂各一兩名加減八味丸 治腎經虛熱齒不固密或作

疼痛或發熱渴淋痰氣壅嗽頭暈眼花咽燥唇裂腰  
腿痿軟自汗盜汗便血諸血失瘖水泛為痰之聖藥  
血虛發熱之神劑

茯苓

四兩

熟地

八兩  
杵膏

山茱萸

肉

乾山藥

各四兩

牡丹皮

澤瀉

各三兩

右為末入地黃煉蜜丸桐子大每服七八十九空心  
食前滾湯下地黃須自製

滋腎丸 治腎經陰虛齒痛或蘇蝕色黑日晡發熱脚



膝無力小便不利肚腹脹滿

詳見內科摘要

肉桂

錢二

知母

黃柏

各酒炒二兩

右為末水丸桐子大每服二百丸空心白滾湯下

清心蓮子飲 治口舌生瘡煩躁作渴小便赤澀口乾

便濁夜間安靜晝則舉發此熱在血分

黃芩

石蓮

茯苓

黃芪

炒

柴胡

人參

各一錢

麥門冬

地骨皮

車前子

炒

甘草

各一錢半

右水煎服

還少丹 治脾腎虛弱牙齒作痛或不堅固又補虛損  
生肌體進飲食之聖藥

肉蓯蓉 遠志去心 茴香 巴戟去心 乾山藥 枸杞

子 熟地黄 石菖蒲 山茱萸去核 杜仲去皮 牛

膝 楮實子炒 五味子 白茯苓各等分

右為末棗肉并蜜丸桐子大每服七十九溫酒日三  
服

羌活附子湯 治冬月大寒犯腦令人腦齒連痛名曰

腦風為害甚速非此莫能救

麻黃

去節

黑附子

炮各三

羌活

蒼朮

各五分

黃芪

一分

防

風 甘草

升麻

白殭蠶

黃柏

白芷

各三分

佛耳草

有寒嗽者用之如無不用

右水煎服

十全大補湯

治氣血俱虛牙齒腫痛或口舌生瘡或

惡寒發熱自汗盜汗食少體倦或寒熱作渴頭痛眩

暈或似中風之症

白茯苓 人參 當歸 白朮 黃芪 川芎

白芍藥

炒

熟地黃

生者自製

甘草

炙

肉桂

五分

右薑棗水煎服

八珍湯 治氣血俱虛口舌生瘡或齒齲腫潰惡寒發熱或煩燥作渴胸脇作脹或便血吐血盜汗自汗等症

人參 白朮 白茯苓 當歸 川芎 白芍藥

熟地

各一錢

甘草

炙五分

右為棗水煎服

越鞠丸

治六鬱牙齒痛口瘡或胸滿吐酸飲食少思

蒼朮

炒

神麴

炒

香附子

山查

山梔

炒

撫芎

麥芽

炒各等分

右為末水調神麴丸桐子大每服五七十九滾湯

下

四物湯

加牡丹皮柴胡山梔名加味四物湯

治血虛發熱口舌生瘡或牙

齦腫潰或日晡發熱煩燥不安或因怒而致

當歸 熟地

錢各三

芍藥

川芎

錢各一

右水煎服

當歸補血湯

治口舌生瘡血氣俱虛熱渴引飲目赤

面紅其脉洪大而虛重按全無

黃芪

錢一

當歸

酒製二錢

右水煎服

元戎四物二連湯

治血虛發熱口舌生瘡或晝寒夜熱

當歸 生地黃 白芍藥 川芎 黃連 胡黃

連錢各一

右水煎服

犀角地黄湯 治火盛血妄行或吐衄或下血

犀角鎊 生地黃 白芍藥 黃芩 牡丹皮 黃

連錢各一

右水煎熟入犀末服若因怒而患加柴胡山梔

當歸六黃湯 治陰虛內熱盜汗

當歸 熟地黃自製 生地黃 黃芪炒 黃連炒 黃芩黑

炒黃栢炒黑各一錢

右水煎服

逍遙散 治血虛有熱口舌生瘡或口燥咽乾發熱盜汗食少嗜卧

甘草炙當歸

芍藥炒茯苓

白朮炒柴胡各一錢

右水煎服

加味逍遙散 治肝脾有火血虛即前方加山梔丹皮

謙甫解毒雄黃丸 治纏喉風腫閉或卒倒死牙關緊



急

雄黃

錢一

鬱金

分一巴豆

十四粒  
去油皮

右為末醋糊丸菴豆大用熱茶送下七丸吐頑痰立  
甦未吐再服若死而心頭猶熱灌下更生

謙甫龍麝聚聖丹 治心脾客熱咽喉腫痛或成癰不  
消或舌本腫脹口舌生瘡

川芎

兩一

生地黃

犀角

鎰

羚羊角

琥珀

玄參

連翹

錢各五

人參

赤茯苓

馬牙硝

片腦

麝香

錢各三

桔梗

升麻

錢各五

鉛白霜

錢五

硃砂

牛

黃

錢各二

南礪砂

錢一

金箔

片五十

右為末蜜丸龍眼大金箔為衣薄荷湯化下或噙嚥之

拔萃桔梗湯

治熱腫喉痺

桔梗

甘草

連翹

山梔

薄荷

黃芩

錢各一

右入竹葉水煎服

無擇玉屑無憂散

治喉風痰壅或口舌生瘡或骨鯁

不下

玄參 管仲 滑石 縮砂仁 黃連 甘草

茯苓 山豆根 寒水石 煨礪砂 荊芥穗  
錢 各三錢 五

右為末每服一錢清水調下此藥又去邪辟瘟止渴

甘桔湯 治咽喉腫痛

甘草 苦梗  
錢六 錢三

右水煎服

白虎湯 治胃熱作渴暑熱尤效

知母

石膏

各二錢半合

粳米

半合

右水煎服

調胃承氣湯 治中熱大便不通咽喉腫痛或口舌生瘡

大黃

一兩

甘草

一錢五分

芒硝

四錢五分

右每服五七錢水煎

桃仁承氣湯

加當歸一錢名當歸承氣湯

治瘀血停滯腹內作痛或

發熱發狂大便秘結

桂枝

芒硝

甘草

炙各一錢

大黃

二錢

桃仁

五十粒去皮尖研

右水煎空心服

清熱補氣湯

治中氣虛熱口舌如無皮狀或發熱作

渴

人參

白朮

茯苓

當歸

酒拌

芍藥

炒各一錢

升麻

五味子

麥門冬

玄參

甘草

炙各五分

右水煎服如不應加炮薑更不應加附子

清熱補血湯 治口舌生瘡體倦少食日晡益甚或目

瀉

當歸

酒拌

川芎

芍藥

各一錢

熟地黄

酒拌一錢

知母

五味子

麥門冬

各五分

玄參

柴胡

牡

丹皮

各五分

右水煎服如不應用補中益氣湯加五味治之

清熱化痰湯 治上焦有熱痰盛作渴口舌腫痛

貝母

天花粉

枳實

炒

桔梗

各一錢

黃芩

黃連

各錢二分 玄參

升麻 各七分 甘草 五分

右水煎服

升麻柴胡湯

芍藥 柴胡 山梔子 升麻 木通 各一兩 黃芩

大青 杏仁 各五錢 石膏

右每服四五錢水煎

涼膈散 治實熱口舌生瘡牙齒作痛或喉舌腫痛便溺秘赤或狂言妄語大便秘結

大黃 朴硝 甘草 各一兩 連翹 四兩 山梔 黃芩

薄荷葉 各一兩

右為末每服五七錢水煎服如未應當加之

防風通聖散 治風熱熾盛口舌生瘡大便秘結或發熱煩躁瘡毒作痒等症

防風 當歸 川芎 芍藥 大黃 芒硝 連

翹 薄荷 麻黃 桔梗 石膏 黃芩 各一兩 白

朮 山梔子 荊芥 各二錢半 甘草 二兩 滑石 三兩



右每服五七錢水煎或為末白湯調下

清咽利膈湯 治積熱咽喉腫痛痰涎壅盛煩躁飲冷

大便秘結

金銀花 防風 荊芥 薄荷 桔梗 黃芩

炒

黃連 炒各錢半 山梔子 炒研 連翹 各錢一 玄參 大黃 煨

朴硝 牛蒡子 研 甘草 各七分

右水煎服

金鑰匙 治喉閉喉風痰涎壅塞

煇硝

一兩五錢

礪砂

五錢

腦子

一字白殭蠶

一錢雄黃

二錢

右各為末以竹管吹患處痰涎即出如痰雖出咽喉

不利急針患處以去惡血

潤喉散 治氣鬱咽喉閉塞

桔梗

二兩五錢

粉草

四錢

草紫

荷車

四錢

香附

三錢

百藥煎

一錢

五分

右為末敷口內

又方薄荷葉蓬砂各五錢冰片一錢為末吹患處甚效

破棺丹

一名通關散

治咽喉腫痛水穀不下

青鹽

白礬

硃砂

各等

右為末吹患處有痰吐出

小續命湯

治陰毒喉痺

麻黃

分五

防風

芍藥

白朮

人參

川芎

附

子

生

防己

黃芩

分各二

桂枝

甘草

分各五

右水煎服

仲景半夏湯

治傷寒喉中生瘡不能發聲

半夏 桂枝 甘草

分各等

右每服七八錢水煎候冷細細嚥之

草薢散

一名換肌消毒散

治楊梅瘡不拘初起潰爛或發於舌

間喉間並效

當歸 白芷 皂角刺 薏苡仁

各二錢

白蘇皮

木瓜

不犯鐵器

木通

金銀花

各七分

甘草

五錢

草薢

一名土茯苓

苓又名冷飯團五錢

右水煎服

清咽消毒散 治咽喉瘡腫痰涎壅盛或口舌生瘡大

便秘結即荆防敗毒散加苓連硝黃

人參固本丸 治肺氣燥熱小便短赤或肺氣虛熱小便  
便瀉滯如淋此治虛而有火之聖藥也

生地黄酒拌天門冬去心各一兩人參五錢熟地

黃用生者酒拌  
銅器蒸半日

右除人參為末餘藥搗膏加煉蜜少許丸桐子大每  
服五十九空心鹽湯或溫酒下中寒人不可服

刺少商穴法 穴在手大指內側去爪甲針如韭葉刺  
入二分許以手自臂勒至刺處出血即消若膿成者  
必須針患處否則不治



薛氏醫案卷十

# 欽定四庫全書

子部

薛氏醫案卷十一

詳校官太醫院醫士臣趙正池

編修臣倉聖脈覆勘

總校官原任中允臣王燕緒

校對官中書臣李斯咏

謄錄監生臣陳觀龍

謄錄監生臣姜士安

欽定四庫全書

薛氏醫案卷十一

明 薛己 撰

正體類要上

正體主治大法

一脇肋脹痛若大便通和喘咳吐痰者肝火侮肺也用  
小柴胡湯加青皮山梔清之若胸腹脹痛大便不通喘  
咳吐血者瘀血停滯也用當歸導滯散通之內經云肝



藏血脾統血蓋肝屬木生火侮土肝火既熾肝血必傷  
脾氣必虛宜先清肝養血則瘀血不致凝滯肌肉不致  
遍潰次壯脾健胃則瘀肉易潰新肉易生若行剋伐則  
虛者益虛滯者益滯禍不旋踵矣

一肚腹作痛或大便不通按之痛甚瘀血在內也用加  
味承氣湯下之既下而痛不止按之仍痛瘀血未盡也  
用加味四物湯補而行之若腹痛按之不痛血氣傷也  
用四物湯加參芪白朮補而和之若下而胸脇反痛肝

血傷也用四君芎歸補之既下而發熱陰血傷也用四  
物參朮補之既下而惡寒陽氣傷也用十全大補湯補  
之既下而惡寒發熱氣血俱傷也用八珍湯補之既下  
而泄瀉脾腎傷也用六君肉果破故紙補之若下後手  
足俱冷昏憤出汗陽氣虛寒也急用參附湯吐瀉手足  
俱冷指甲青者脾腎虛寒之甚也急用大劑參附湯口  
噤手撒遺尿痰盛唇青體冷者虛極之壞症也急投大  
劑參附湯多有得生者

一肌肉間作痛營衛之氣滯也用復元通氣散筋骨作痛肝腎之氣傷也用六味地黃丸內傷下血作痛脾胃之氣虛也用補中益氣湯外傷出血作痛脾肺之氣虛也用八珍湯大凡下血不止脾胃之氣脫也吐瀉不食脾胃之氣敗也苟預為調補脾胃則無此患矣

一作痛若痛至四五日不減或至一二日方痛欲作膿也用托裏散若以指按下復起膿已成也刺去其膿痛自止若頭痛時作時止氣血虛也痛而兼眩屬痰也當

生肝血補脾氣

一青腫不消用補中益氣湯以補氣腫黯不消用加味  
逍遙散以散血若歎腫脹痛瘀血作膿也以八珍湯加  
白芷托之若膿潰而反痛氣血虛也以十全大補湯補  
之若骨骹接而復脫肝腎虛也用地黃丸腫不消青不  
退氣血虛也內用八珍湯外用葱熨法則瘀血自散腫  
痛自消若行血破血則脾胃愈虛運氣愈滯若敷貼涼  
藥則瘀血益凝內腐益深致難收拾

一發熱若出血過多或潰膿之後脈洪大而虛重按全無此陰虛發熱也用當歸補血湯脈沉微按之軟弱此陰盛發躁也用四君薑附若發熱煩躁肉潤筋惕亡血也用聖愈湯如汗不止血脫也用獨參湯其血脫脈實汗後脈躁者難治細小者易治外臺秘要云陰盛發躁欲坐井中用附子四逆湯加蔥白王太僕先生云凡熱來復去晝見夜伏夜見晝伏不時而動者名曰無火此無根之虛火也

一作嘔若因痛甚或因尅伐而傷胃者用四君當歸半  
夏生薑或因忿怒而肝傷者用小柴胡湯加山梔茯苓  
若因痰火盛用二陳薑炒黃連山梔若因胃氣虛用補  
中益氣湯生薑半夏若出血過多或因潰後用六君子  
湯加當歸

一喘咳若出血過多面黑胸脹或胸膈痛而發喘者乃  
氣虛血乘於肺也急用二味參蘇飲若咳血衄血者乃  
氣逆血蘊於肺也急用十味參蘇飲加山梔苓連蘇木

一作渴若因出血過多用四物參朮如不應用人參黃芪以補氣當歸熟地以養血若因潰後用八珍湯若胃熱傷津液用竹葉黃芪湯胃虛津液不足用補中益氣湯胃火熾盛竹葉石膏湯若煩熱作渴小便淋瀝乃腎經虛熱非地黃丸不能救

一出血若患處或諸竅出者肝火熾盛血熱錯經而妄行也用加味逍遙散清熱養血若中氣虛弱血無所附而妄行用加味四君子湯補益中氣或元氣內脫不能

攝血用獨參湯加炮薑以回陽如不應急加附子或血  
蘊於內而嘔血用四物加柴胡黃芩凡損傷勞碌怒氣  
肚腹脹悶誤服大黃等藥傷陽絡則為吐血衄血便血  
尿血傷陰絡則為血積血塊肌肉青黯此臟腑虧損經  
隧失職急補脾肺亦有生者但患者不悟此理不用此  
法惜哉

一手足傷損若元氣虛弱或不戒房勞或妄行政伐致  
死肉上延或腐而不痛黑而不脫者當大補元氣庶可



保生若手足節解斷去者無妨骨斷筋連不急剪去若  
侵及好肉則不治若預為調補脾氣則無此患大凡膿  
瘡內焮者即針之而投托裏散或口噤遺尿而似破傷  
風者急用十全大補湯加附子多有生者

一腐肉不潰或惡寒而不潰用補中益氣湯發熱而不  
潰用八珍湯若因尅伐而不潰者用六君子湯加當歸  
其外皮黑堅硬不潰者內火蒸炙也內服八珍湯外塗  
當歸膏其死肉不能潰或新肉不能生而致死者皆失

於不預補脾胃也

一新肉不生若患處天白脾氣虛也用六君子歸患處  
緋赤陰血虛也用四物參朮若惡寒發熱氣血虛也用  
十全大補湯膿稀白而不生者脾肺氣虛也用補中益  
氣湯膿稀赤而不生者心脾血虛也用東垣聖愈湯寒  
熱而不生肝火動也用加味逍遙散晡熱而不生肝血  
虛也用八珍牡丹皮食少體倦而不生脾胃氣虛也用  
六君子湯膿穢而不生者陰虛邪火也用六味地黃丸

四肢困倦精神短少而不生者元氣內傷也用補中益氣湯如夏月用調中益氣湯作瀉用清暑益氣湯秋令作瀉用清燥湯

一傷重昏憤者急灌以獨參湯雖內瘀血切不可下急用花薤石散內化之恐因瀉而亡陰也若元氣虛甚者尤不可下亦用以前散化之凡瘀血在內大小便不通用大黃朴硝血凝而不下者急用木香肉桂末二三錢以熱酒調灌服血下乃生如怯弱之人用硝黃須加肉

桂木香同煎假其熱以行其寒也

一大便秘結若大腸血虛火熾者用四物湯送潤腸丸  
或以豬膽汁導之若腎虛火燥者用六味地黃丸腸胃  
氣虛用補中益氣湯

一傷損症用黑羊皮者蓋羊性熱能補氣也若杖瘡傷  
甚內肉已壞欲其潰者貼之成膿固速苟內非補劑壯  
其根本毒氣不無內侵外非砭刺泄其瘀穢良肉不無  
傷壞若受刑輕外皮破傷者但宜當歸膏敷貼更服四

物芩連柴胡山梔白朮茯苓又丁痂不結傷肉不潰死血自散腫痛自消若槩行菴貼則醞釀瘀毒矣

一跳躍挺胃悶挫舉重勞後恚怒而胃腹痛悶喜手摸者肝火傷脾也用四君柴胡山梔畏手摸者肝經血滯也用四物柴胡山梔桃仁紅花若胸脇作痛發熱晡熱肝經血傷也用加味逍遙散若胸脇作痛飲食少思肝脾氣傷也用四君芍歸柴梔丹皮若胸腹脹滿飲食少思肝脾氣滯也用六君加柴胡芍歸若胸腹不利食少

無寐脾氣鬱結也用加味歸脾湯若痰氣不利脾肺氣滯也用二陳白朮芎歸梔子青皮若咬牙發搐肝旺脾虛也用小柴胡湯川芎山梔天麻鈎藤鈎或用風藥則肝血益傷肝火益甚或飲糖酒則腎水益虛肝火愈熾若用大黃等藥內傷陰絡反致下血少壯者必為痼疾老弱者多致不起

一破傷風河間云風症善行數變入臟甚速死生在反掌之間宜急分表裏虛實而治之邪在表者則筋脈拘

急時或寒熱筋惕搐搦脈浮弦用羌活防風湯散之在半表半裏者則頭微汗身無汗用羌活湯和之傳入裏者舌強口噤項背反張筋惕搐搦痰涎壅盛胸腹滿悶便溺閉赤時或汗出脈洪數而弦以大芎黃湯導之既下而汗仍出表虛也以白朮防風湯補之不時灌以粥飲為善前云乃氣虛未損之法也若膿血太泄陽隨陰散氣血俱虛而類前症者悉宜大補脾胃切忌祛風之藥一發痙仲景云諸痙項強皆屬於溫又云太陽病發

汗大多致痙風病下之則痙復發汗則拘急瘡家發汗則痙是汗下重亡津液所致有汗而不惡寒曰柔痙以風能散氣也宜白朮湯加桂心黃芪無汗而惡寒曰剛痙以寒能澁血也宜葛根湯皆氣血內傷筋無所營而變非風也杖瘡及勞傷氣血而變者當補氣血未應用獨參湯手足冷加桂附緩則不救

撲傷之症治驗

血脫煩躁



有一患者兩脇脹悶欲欬不欬口覺血腥偏身臂腿脹痛倦怠不食煩渴脈大此血脫煩躁也與童便酒及砒患處出死血糜肉甚多忽發熱煩躁汗出投以獨參湯三劑少止又用補氣血清肝火之藥數劑飲食稍進後用獨參湯間服諸症悉退飲食頗加但不能多寐以歸脾湯加山梔竹茹四劑而熟睡因勞心遂煩渴自汗脈大無力以當歸補血湯二劑而安又以十全大補去川芎加麥門五味牡丹地骨麻黃根炒浮麥數劑而汗止

死肉且潰又二十餘劑而新肉生

血虛發躁

有一患者煩躁面赤口乾作渴脈洪大按之如無余曰此血虛發躁也遂以當歸補血湯二劑即止後日晡發熱更以四物加柴胡牡丹地骨黃柏知母治之熱退而瘡紋東垣云發熱惡寒大渴不止其脈大而無力者非白虎湯症此血虛發躁也宜用當歸補血湯治之裴先生云肌熱躁熱目赤面紅其脈洪大而虛此血虛也若

誤服白虎湯輕則危重則斃

氣虛血熱

有一患者頭額出汗熱渴氣短煩躁骨痛瘀肉不潰遂  
割去之出鮮血服芩連之藥益甚其脈洪大而微此氣  
血俱虛邪火熾盛所致以四物加參芪朮炙草少用柴  
胡炒芩二劑頭汗頓止又加麥門五味肉桂二劑諸症  
悉退後用參芪歸朮炒芍熟地麥門五味十餘劑瘀血  
潰而膿水稠矣但新肉不生以前藥倍用白朮而斂

瘀血泛注

有一患者瘀血流注腰脊兩足俱黑隨飲童便酒砭出瘀血糜肉投以小柴胡湯去半夏加山梔苓連骨碎補以清肝火用八珍茯苓以壯脾胃死肉潰而新肉生後瘡復潰得靜調治年餘而痊

有一患者瘀血攻注陰囊潰而成漏膿水清稀所服皆寒涼之劑診其肝脈短濇餘脈浮而無力此肝木受肺金尅制又元氣虛不能收斂遂用壯脾胃生氣血之方

元氣少復後終歿於金旺之日

瘀血作痛

有一患者腫痛發熱作渴汗出余曰此陰血受傷也先  
砭去惡穢以通壅塞後用四物柴胡黃芩山梔丹皮骨  
碎補以清肝火而愈

有一患者傷處揉散惟腫痛不消余曰此瘀血在內宜  
急砭之不從余以蘿蔔自然汁調山梔末敷之破處以  
當歸膏貼之更服活血之劑而瘡數年之後但遇天陰

仍作痒痛始知不砭之失

有一患者臀腿黑腫而皮不破但脹痛重墜皆以為內  
無瘀血惟敷涼藥可以止痛余診其尺脈濇而結此因  
體肥肉厚瘀血蓄深刺去即愈否則內潰有爛筋傷骨  
之患余入針四寸漂黑血數升腫痛遂止是日發熱惡  
寒煩渴頭痛此氣血俱虛而然也以十全大補之劑遂  
瘥

肝火作痛

有一患者瘀血內脹厥痛發熱口乾作渴飲食不甘四肢倦怠余曰此肝火熾盛脾土受制故患前症喜其稟質年壯第用降火清肝活血之劑而愈

肝火忿怒

有一患者患處脹痛悲哀忿怒此厥陰之火為七情激之而然耳遂砭去瘀血以小柴胡湯加山梔黃連桔梗而安後用生肝血養脾氣之藥瘡潰而斂

肝火脇脹

有一患者患處脹痛發熱欲嘔兩脇熱脹肝脈洪大余曰肝火之症也但令飲童便并小柴胡湯加黃連山梔歸梢紅花諸症果退此症若左關脈浮而無力以手按其腹反不脹者此血虛而肝脹也當以四物參苓青皮甘草之類治之若左關脈洪而有力胸脇脹痛者按之亦痛此怒氣傷肝之症也以小柴胡芎歸青皮芍藥桔梗枳殼主之蓋此症不必論其受責之輕重問其患處去血之曾否但被人扭按甚重努力恚怒以傷其氣血



瘀血歸肝多致前症甚則胸脇脹滿氣逆不通或血溢口鼻卒至不救

肝膽虛症

有一患者愈後口苦腰脇脹痛服補腎行氣等藥不愈  
余按其肝脈浮而無力此屬肝膽氣血虛而然耳用參  
芪芍歸地黃白朮麥門五味治之而愈

血虛腹痛

有一患者杖後服四物紅花桃仁大黃等劑以逐瘀血

腹反痛更服一劑痛益甚按其腹不痛余曰此血虛也故喜按而不痛宜溫補之劑遂以歸身白朮參芪炙草二劑痛即止

氣虛不潰

有一患者瘀血已去飲食少思死肉不潰又用托裏之藥膿稍潰而清此血氣虛也非大補不可彼不從余強用大補之劑飲食進而死肉潰但少寐以歸脾湯加山梔二劑而寐因勞心煩躁作渴脈浮洪大以當歸補血

湯二劑而安

寒凝不潰

有一患者受刑太重外皮傷破瘀血如注內肉糜爛點腫上徹胸背下至足指昏憤不食隨以黑羊皮熱貼患處灌以童便酒薄粥更以清肝活血調氣健脾之劑神思稍蘇始言遍身強痛又用大劑養血補氣之藥腫消食進時仲冬瘀血凝結不能潰膿又用大補之劑壯其陽氣其膿方熟遂斫去洞見其骨塗以當歸膏及服前

藥百餘劑肌肉漸生

脾虛不斂

有一患者潰而不斂以內有熱毒欲用寒涼之藥余曰此血氣俱虛而不能斂耳非歸朮參芪之類培養脾土則肌肉何由而生豈可復用寒涼剋伐之藥重損氣血耶遂用前藥治之而愈

血虛筋攣

有一患者腹脹嘔吐眩暈用柴胡黃芩山梔紫蘇杏仁

枳殼桔梗川芎當歸赤芍紅花桃仁四劑而定後又出血過多昏憤目黑用十全大補等藥而蘇時肌肉潰爛膿水淋漓筋攣骨痛予切其脈浮而濇沉而弱此因氣血耗損不能養筋筋虛不能束骨遂用養氣血之藥治之而愈

腎虛氣逆

有一患者杖瘡愈後失於調理頭目不清服祛風化痰等藥反眩暈服牛黃清心丸又肚腹疼痛杖痕腫癢發

熱作渴飲食不思痰氣上升以為杖瘡餘毒復作診左尺脈洪大按之如無予曰此腎經不足不能攝氣歸源遂用人參黃芪茯苓陳皮當歸川芎熟地山藥山茱萸五味麥門灸草服之而尋愈後因勞熱渴頭痛倦怠少食用補中益氣湯加麥門五味而痊

濕熱乘肝

有一患者愈後腿作痛余意膿血過多瘡雖愈肝經血氣尚未充實而濕熱乘虛也遂以八珍加牛膝木瓜蒼

木黃栢防已炙草以祛濕熱養陰血痛漸止乃去防已  
黃栢服之遂瘳

肝經鬱火

有一患者瘀血失砭脹痛煩渴縱飲涼童便渴脹頓止  
以蘿蔔細搗塗之瘀血漸散已而患處作癢仍塗之癢  
止後口乾作渴小腹引陰莖作痛小便如淋時出白津  
此肝經鬱火也遂以小柴胡湯加大黃黃連山梔飲之  
諸症悉退再用養血等藥而安夫小腹引陰莖作痛等

症往往誤認為寒症投以熱劑則諸竅出血或二便不通以及危殆輕亦損其目矣

痛傷胃嘔

有一患者痛甚發熱嘔吐少食胸膈痞滿用行氣破血之劑益甚口乾作渴大便不調患處色黯余曰此痛傷胃氣所致遂以四君當歸炒芍藥柴藿香二劑諸症漸愈又用大補之劑潰之而瘳

藥傷胃嘔



有一患者發熱焮痛服寒涼藥更加口乾作渴肚腹亦痛自以為瘀血欲下之余按其肚腹不痛脈微細而遲飲食惡寒此涼藥傷胃而然也急用六君加芍藥當歸炮附子各一錢服之前症益甚反加譫語面赤余意其藥力未至耳前藥再加附子五分服之即睡覺來諸病頓退而安

氣血不損

有一患者瘀血雖去飲食形氣如故但熱渴焮痛膈痞

有痰以小柴胡湯加天花粉貝母桔梗山梔二劑少愈  
又加生地歸尾黃芩柴胡山梔花粉而愈余治百餘人  
其杖後血氣不虛者惟此一人耳治者審之

### 行氣之非

有一患者服行氣之劑胸痞氣促食少體倦色黯膿清  
此形氣俱虛之症也先用六君桔梗二劑胸膈氣和後  
用補中益氣去升麻加茯苓半夏五味麥門治之元氣  
漸復而愈若用前劑戕賊元氣多至不救

下血之非

有一患者去其患處瘀血用四物柴胡紅花治之焮痛頓止但寒熱口乾飲食少思用四物白朮茯苓柴胡黃芩花粉四劑寒熱即退用六君芍歸藿香而飲食進腐肉雖潰膿水清稀以前藥倍用參芪歸朮茯苓二十餘劑腐肉俱潰膿水漸稠悞服下藥一鍾連瀉四次患處色黯喜其脈不洪數乃以十全大補倍加肉桂麥門五味數劑肉色紅活新肉漸生喜在壯年易於調理又月

餘而愈否則不救凡杖瘡跌撲之症患處如有瘀血止  
宜砭去服壯元氣之劑蓋其氣血已損切不可再用行  
氣下血之藥復損脾胃則運氣愈難營達於下而反為  
敗症怯弱者多致天枉

寒藥之非

有一患者腫痛敷寒涼之藥欲內消瘀血反致臀腿俱  
冷瘀血併胸腹痞悶余急去所敷之藥以熱童便酒洗  
患處服六君木香當歸敷回陽膏臀腿漸溫又以前藥

去木香加川芎藿香肉桂四劑瘀血解乃刺之更以壯脾胃養氣血得痊蓋氣血得溫則行得寒則凝寒極生熱變化為膿腐潰深大血氣既敗肌肉無由而生欲望其生難矣

不砭之非

有一患者發熱煩躁用四物黃芩紅花軟柴山梔花粉煩熱已清瘀血深蓄欲針出之不從忽牙關緊急患處作痛始針去膿血即安用托裏養血新肉漸長忽患處

瘰癧此風熱也用祛風消毒之劑而瘰

不補之非

有一患者臀腿脹痛發熱煩躁刺去死血脹痛少寬熱躁愈甚此血脫邪火旺而然也急用獨參湯補之少愈又以健脾胃養氣血藥治之腐肉漸潰遂愈大抵此症宜預調補以顧收斂切不可伐其氣血不行補益以至不能收斂矣

破傷風表症

有一患者仲夏誤傷手腰背反張牙關緊急脈浮而散此表症也遂用羌活防風湯一劑即解此症若在秋冬腠理緻密之時須用麻黃之類以發汗此乃暴傷氣血不損之治法也

破傷風裏症

有一患者杖處畧破而患此脈洪大而實此裏症也用大芎黃湯一劑大便秘行一次悉退若投表藥必死宜急分表裏虛實而治之庶無誤矣

膿內焮類破傷風

有一患者寒熱口乾用四物參芪白朮軟柴炒苓麥門  
五味四劑少退余欲砭去瘀血不從後怔忡不寐飲食  
少思牙關牽緊頭目疼痛惡寒發熱此膿內焮也遂砭  
去之即安以八珍棗仁麥門五味二十劑前症漸愈又  
用前藥及獨參湯瘀肉漸潰後因勞又少寐盜汗以歸  
脾湯麥門五味遠志而痊後牙關脹悶面目焮赤又似  
破傷風仍以爲虛用八珍等藥亦安



膿潰類破傷風

有一患者腹痛喘促作渴寒熱臂腿糜爛與死血相和如皮囊盛糊用童便煎四物桃仁紅花柴胡黃芩麥門花粉服之頓退彼用黑羊皮貼之益甚後砭去膿血甚多氣息奄奄唇口微動牙關緊急患處色黯或欲用破傷風藥余曰此氣血虛而變症也用參芪芎歸白朮并獨參湯人乳汁元氣復而諸症愈乃用十全大補湯調理而安此症若膿瘀內焮者宜針之若潰後口噤遺尿

而類破傷風等症者乃氣血虛極也急用大補之劑若素多痰患風症者宜清痰降火若因怒而見風症者宜清肝降火若人不慎房勞而忽患前症此由腎水不足心火熾甚宜滋陰補氣血為主若誤作風症治之即死

內虛癱瘓

瘓當作瘓

有一患者內潰針出膿三五碗遂用大補之劑翌日熱甚汗出足冷口噤腰背反張衆欲投發散之劑余曰此氣血虛極而癱瘓也若認作風治則悞矣用十全大補

等藥而愈此症多因傷寒汗下過度與產婦潰瘍氣血虧損所致但當調補氣血為善若服尅伐之劑多致不救

有一患者兩月餘矣瘡口未完因怒發瘡瘡口出血此怒動肝火而為患耳用柴胡芩連山梔防風桔梗天麻釣藤鈎甘草治之頓愈劉宗厚先生云瘡有屬風火之熱內作者有因七情怒氣而作者亦有濕熱內盛痰涎壅遏經絡而作者惟宜補虛降火敦土平水清痰去濕

墜跌金傷治驗

瘀血腹痛

有一患者仲秋夜歸墜馬腹內作痛飲酒數杯翌早大便自下瘀血即安此元氣充實挾酒勢而行散也

一男子跌傷腹痛作渴食梨子二枚益甚大便不通血欲逆上用當歸承氣湯加桃仁瘀血下而瘥此因元氣不足瘀血得寒而凝聚也故產婦金瘡者不宜食此

一男子孟秋墜梯腹停瘀血用大黃等藥其血不下反

加胸膈脹痛喘促短氣余用肉桂木香末各二錢熱酒調服即下黑血及前所服之藥而蘇此因寒藥凝滯而不行故用辛溫之劑散之

脾傷腹痛

陳侍御墜馬腿痛作嘔服下藥一劑胸腹脹痛按之即止惟倦怠少氣診其脈微細而濇余曰非瘀血也乃痛傷氣血復因藥損脾氣而然耳投養脾胃生氣血之藥而愈

血虛脇脹

李進士季夏傷手出血不止發熱作渴兩脇作脹按之即止此血虛也用八珍加軟柴胡天花粉治之頓愈更用養氣血之藥調理而痊

血虛煩躁

吳給事墜馬傷首出血過多發熱煩躁肉瞤筋惕或欲投破傷風藥余曰此血虛火動所致當峻補其血為善遂用聖愈湯二劑即安又養氣血而瘡瘰

亡血出汗

張進士季秋墜馬亡血過多出汗煩躁翌日其汗自止  
熱躁益甚口噤手顫此陰血虛陽火乘之而汗出為寒  
氣收斂腠理故汗不得出火不得泄怫鬱內甚而益增  
他症也余用四物加柴胡黃芩山梔四劑少止又用四  
物參芪軟柴胡五味麥門治之而痊

亡血昏憤

二條

一婦人孟冬傷足亡血頭汗內熱作渴短氣煩躁不時

昏憤其脈洪大按之微弱此陰血虛於下孤陽炎於上故發厥而頭出汗也以四物合小柴胡湯一劑汗即止以四物去川芎加參芪麥門五味炙草少用肉桂四劑諸症悉去又三十餘劑血氣復而愈

一男子孟夏折腿出血過多其初眩暈眼花後則昏憤此陰血傷損陽火熾甚制金不能平木木旺生風所致急灌童便更用人參當歸各五錢荊芥川芎柴胡芍藥白朮各二錢山梔黃柏黃芩桔梗各一錢甘草五分服



之隨與又用四物參芪各三錢生地柴胡各一錢四劑煩躁悉去

濕痰作痛

三條

大宗伯沈立齋孟冬閃腰作痛胸間痰氣不利以枳殼青皮柴胡升麻木香茴香當歸川芎赤芍神麴紅花四劑而瘥但飲食不甘微有潮熱以參芪白朮陳皮白芍各一錢歸身二錢川芎八分軟柴胡地骨炙草各五分十餘劑而康

劉尚寶體微臂閃作痛服透骨丹反致肢節俱痛下體  
益甚以二陳南星羌活防風牛膝木瓜蒼朮黃芩黃柏  
治之身痛遂安以前藥再加歸尾赤芍桔梗治之而痊  
鄭吏部素有濕痰孟冬墜馬服辛熱破血之藥遍身作  
痛發熱口乾脈大而滑此熱劑激動痰火為患耳治以  
清燥湯去人參當歸黃芪加黃芩山梔半夏黃柏熱痛  
頓去患處少愈更用二陳羌活桔梗蒼朮黃柏薑製生  
地當歸遂痊

肝火作痛

楊司天骨已入髓患處仍痛服藥不應肝脈洪大而急  
余曰此肝火盛而作痛也用小柴胡湯加山梔黃連二  
劑痛止用四物山梔黃栢知母調理而康

血虛作痛

一婦人磕臂出血骨痛熱渴煩悶頭暈日晡益甚此陰  
虛內熱之症用八珍加丹皮麥門五味骨碎補肉桂及  
地黃丸治之悉愈却去桂加牛膝續斷二十餘劑而瘡

愈

骨傷作痛

二條

一小兒足傷作痛肉色不變傷在骨也頻用炒葱熨之  
五更用和血定痛丸日間用健脾胃生氣血之劑數日  
後服地黃丸三月餘而瘥

一小兒臂骨出骹接入腫痛發熱服流氣等藥益甚飲  
食少思余以葱熨之其痛即止以六君黃芪柴胡桔梗  
續斷骨碎補治之飲食進而腫痛消又用補中益氣加

麥門五味治之氣血和而熱退愈矣

氣虛血滯

戴給事墜馬腿腫痛而色黯食少倦怠此元氣虛弱不能運散瘀血而然耳遂用補中益氣去升麻柴胡加木瓜茯苓芍藥白朮治之而痊

氣虛不潰

少宗伯劉五清膝傷一塊微痛少食用六君子湯倍加當歸黃芪其痛漸止月餘瘀血內涸而不潰公以為痊

余曰此陽氣虛極須用調補不從至來春頭暈痰涎壅塞服清氣化痰病勢愈盛脈洪大而微細欲以參芪歸朮附子之類補之不信至秋初因怒昏憤而厥

氣虛壅腫

三條

一婦人閃臂腕腫大已三月手臂日細肌瘦惡寒食少短氣脈息微細屬形病俱虛也遂投補中益氣加肉桂引諸藥以行至臂再加貝母香附以解久病之鬱間服和血定痛丸以葱熨之腫消二三因怒患處仍脹胸膈

兩脇微痛以前湯更加木香山梔半夏桔梗服之少可  
復因驚不寐少食盜汗以歸脾湯加五味麥門二十餘  
劑而安腫消三四手臂漸肥但經水過期而少此心脾  
之血尚未充足而然也乃用八珍加五味麥門丹皮遠  
志香附貝母桔梗四十餘劑諸症悉愈後因怒發熱譫  
語經水如湧此怒動肝火以小柴胡湯加生地黃二錢  
一劑遂止以四物加柴胡調理而康

州守陳克明子閃右臂腕腫痛肉色不變久服流氣等

藥加寒熱少食舌乾作渴余曰傷損等症腫不消色不  
變此運氣虛而不能愈當助脾胃壯氣血為主遂從余  
法治之不二月形氣漸充腫熱漸消半載諸症悉退體  
臂如常

一小兒閃腿腕壅腫形氣怯弱余欲治以補氣血為主  
佐以行散之劑不信乃內服流氣飲外敷寒涼藥加寒  
熱體倦余曰惡寒發熱脈息洪大氣血虛極也治之無  
功後內潰洩盡氣血而亡



瘀血腫痛

一男子閃傷右腿壅腫作痛余謂急砭去滯血以補元氣庶無後患不信乃外敷大黃等藥內服流氣飲後湧出穢膿數碗許其膿不止乃復請治視其腿細而脈大作渴發熱辭不治後果歿

憲友王汝道環跳穴處閃傷瘀血腫痛發熱作渴遂砭去瘀血知其下焦素有虛火用八珍加黃柏知母牛膝骨碎補四劑頓止用十全大補湯少加黃柏知母麥門

五味三十餘劑而斂

筋傷壅腫

李考功子十四歲脚腕閃傷腫而色天日出清膿少許  
肝脈微瀉此肝經受傷氣血虛而不能潰難治之症也  
急止尅伐之劑不信乃雜用流氣等藥後果出爛筋而  
死

肺火衄血

張地官墜馬傷腿服草烏等藥致衄血咳嗽臂痛目黃

口渴齒痛小便短少此因燥劑傷肺與大腸而致余用  
生地苓連黃栢知母山梔山藥甘草以潤肺之燥而生  
腎水小便頓長諸症並止以山藥五味麥門參芪芎歸  
黃栢黃芩知母炙草以滋陰血養元氣而瘡斂

肝火出血

三條

俞進士折腿骨已接三月尚發熱出血不止正體醫治  
不應左關脈洪數此肝火熾甚血得熱而妄行也遂投  
小柴胡湯加山梔芍藥生地防風血止熱退又用八珍

五味麥門治之瘡口即愈

田宗伯侄仲秋因怒跌仆遍身作痛發熱衄血肝脈弦  
洪余曰久衄脈弦洪乃肝火盛而制金也至春則肝木  
茂盛而自焚或戕賊脾土非易治之症當滋腎水以生  
肝木益脾土以生肺金乃雜用瀉肝火等藥歿於仲春  
之月

一婦人因怒仆地傷面出血痰盛昏憤牙關緊急余曰  
此怒動肝火氣逆拂鬱神明昏冒而卒倒也兩手脈洪

大而無倫次以小柴胡湯加黃連山梔芎歸橘紅茯苓  
薑汁治之而甦

胃火作嘔

一膏梁之人跌腿青腫作痛服辛熱之藥反發熱作喘  
患處益痛口乾唇揭余曰膏梁之人內多積熱更服辛  
熱之劑益其胃火而使然也頻飲童便以清胃散加山  
梔黃芩甘草治之頻止患處以葱熨之腫即消散

陰虛作喘

舉人杜克弘墜馬服下血藥反作喘日晡益甚此血虛所致耳非瘀血為患遂以四物加參芪五味麥門治之其喘頓止又用補中益氣加五味麥門而愈此症果係瘀血蒸薰於肺而喘只宜活血行血亦不可下若面黑胸脹或膈痛作喘當用人參一兩蘇木二兩作一劑水煎急服緩則不治產婦多有此疾

陰虛發熱

楊進士傷手指焮痛發熱服寒涼之藥致飲食頓減患

處不潰余用托裡養血之藥食進瘡潰後因勞每日晡發熱此陰虛而內熱也以四物軟柴胡地骨皮乃退更用養血氣之藥而瘡斂

氣血虛熱

一男子墜馬腹有瘀血服藥下之致發熱盜汗自汗脈浮濇余以為重劑過傷氣血所致投以十全大補湯益甚時或譫語此藥力未及而然也以前藥加炮附子五分服之即睡覺來頓安再劑而痊

血不歸經

二條

大尹劉國信金瘡出血發熱煩躁屬陰虛為患用聖愈湯治之虛火息而血歸經矣

梁閣老侄金瘡腫痛出血不止寒熱口乾此氣虛血無所附而血不歸經也用補中益氣五味麥門主之陽氣復而愈

氣無所附

舉人余時正金瘡焮痛出血不止惡寒發熱用敗毒等



藥愈甚此亡血過多氣無所附而然耳遂以四物黃柏知母軟柴胡玄參五味麥門治之即愈

氣血俱虛

余北仕時有留都賈學士子年十六患流注已二載公陞北宗伯邀余治診其脈洪大而數膿清作渴食少盜汗朝寒暮熱余曰此氣血俱虛也先以固氣血為主午前以四君芎歸炙草午後以四物參芪麥門五味兩月諸症遂可一二有一醫用滲利之劑保其必生治之三

月氣血極虛而形體骨立復懇治余被命南下後果歿

### 陽氣脫陷

梁閣老侄跌傷腿外敷大黃等藥內服破血之劑遂致  
內潰余針出穢膿三碗許虛證悉具用大補之劑兩月  
餘少能步履因勞心手撒眼閉汗出如水或欲用祛風  
之劑余曰此氣血尚未充足而然也急以艾炒熱頻熨  
肚臍并氣海穴處以人參四兩炮附子五錢煎灌良久  
臂少動又灌一劑眼開能言但氣不能接續乃以參芪

歸朮四味共一斤附子五錢水煎徐徐服之元氣漸復  
飲食已進乃去附子服之而瘡愈

膽經血少

一女子年十七閃右臂微腫作痛寅申時發熱余決其  
膽經血虛火盛經水果先期而至先以四物合小柴胡  
湯四劑熱退更以加味四物湯加香附地骨皮山梔各  
五分芩連炙草各三分二十餘劑其腫亦消乃去黃連  
山梔又五十餘劑經水調而元氣充矣

腎經虛怯

二條

儒者王清之跌腰作痛用定痛等藥不愈氣血日衰面耳黧色余曰腰為腎之府雖曰閃傷實腎經虛弱所致遂用杜仲補骨脂五味山茱萸蓉山藥空心服又以六君當歸白朮神麴各二錢食遠服不月而瘥

一三歲兒閃腰作痛服流氣等藥半載不愈余曰此稟腎氣不足不治之症也後果歿

痛傷胃嘔

一婦人傷指手背俱腫微嘔少食彼以為毒氣內攻診其脈沉細此痛傷胃氣所致也遂刺出膿碗許先以六君藿香當歸而食進繼以八珍黃芪白朮桔梗月餘而瘡愈

氣逼肉死

二條

一男子修傷足指色黑不痛而欲脫余曰此因陽氣虛不能運達於患處也急去之速服補劑以壯元氣否則死肉延足必不救矣不信果黑爛上脛而死大抵手足

氣血罕到之地或生瘡或傷損若戕其元氣邪氣愈盛潰爛延上必死不潰而色黯者亦死若骨斷筋皮尚連者急剪去之

一女年數歲嚴寒上京兩足受凍不仁用湯泡潰至春十指俱爛牽連未落予用托裡之劑助其陽氣自潰脫得保其生此因寒邪追絕運氣不至又加熱湯泡潰故死而不痛也余嘗見人之嚴寒而出凍傷其耳不知痛癢若以手觸之其耳即落當以煖處良久或熱手熨之

無恙若以火烘湯泡其耳即死至春必潰脫落矣北方寒氣損人若此可不察之

涼藥遏經

雲間曹子容為室人中風灌藥誤咬去指半節焮痛寒熱外敷大黃等藥內服清熱敗毒患處不痛不潰膿清寒熱愈甚余曰此因涼藥遏絕隧道而然也遂敷玉龍膏以散寒氣更服六君子湯以壯脾胃數日後患處微痛腫處漸消此陽氣運達患處也果出稠膿不數日半

指潰脫更服托裏藥而斂

上舍王天爵傷足焮腫內熱作渴外敷內服皆寒涼敗毒患處益腫而不潰且惡寒少食欲作嘔吐余曰此氣血俱虛又因寒藥凝結隧道損傷胃氣以致前症耳遂用香砂六君子芎歸炮薑外症悉退惟體倦晡熱飲食不甘以補中益氣湯加地骨皮五味麥門治之而愈

州守王廷用傷指即用帛裏之瘀血內潰焮腫至手余謂宜解患處以出瘀血更用推陳致新之劑不信乃敷



涼藥痛雖少止次日復作又敷之數日後手心背俱潰  
出瘀穢膿水尚服敗毒之劑氣血益虛色黯膿清飲食  
少思仍請余治投以壯脾胃生氣血之劑由是膿水漸  
稠而愈

湯火所傷治驗

火毒刑肺金

一男子孟冬火傷臂作痛喘嗽發熱此火毒刑肺金之  
症用人參平肺散治之喘嗽乃止因勞又惡寒發熱此

氣血虛也以八珍湯加桔梗白芷治之而退再加薄桂三分以助藥勢溫氣血壞肉潰之而愈○若初起焮赤作痛用神效當歸膏敷之輕者自愈重者自腐生肌神效○或用側柏葉末蠟油調敷亦效若發熱作渴小便赤色其脈洪數而實者用四物茯苓木通生甘草炒黃連脈雖洪數而虛者用八珍若患處不潰而色黯者四君芎歸黃芪之類若肉死已潰而不生肌者用四君黃芪當歸炮薑若愈後而惡寒陽氣未復也急用十全大補切不可用寒涼反傷脾胃

火毒焮作

一男子因醉被湯傷腿潰爛發熱作渴飲水脈洪數而有得此火毒為患用生地當歸苓連木通葛根甘草十餘劑諸症漸退却用參芪白朮芍歸炙草芍藥白芷木瓜新肉將完因勞忽寒熱此氣血虛而然也仍用參芪之藥加五味子酸棗仁而安又月餘而瘡痊

火毒行於下焦

一男子火傷兩臂焮痛大小便不利此火毒傳於下焦

用生地黃當歸芍藥黃連木通山梔赤茯苓甘草一劑  
二便清利其痛亦止乃以四物參芪白芷甘草而壞肉  
去又數劑而新肉生

火毒乘血分

一婦人湯傷胸大潰兩月不斂脈洪大而無力口乾發  
熱日晡益盛此陰血虛火毒乘之而為患耳用四物湯  
加柴胡丹皮熱退身涼更用逍遙散加陳皮以養陰血  
壯脾胃腐肉去而新肉生矣

薛氏醫案卷十一